

Иисус Христос сиятақ

1 Ким долақ закон, туре қясьда и Август баря қан дуббетин дэ'ннаириңбет былъдэ ба'ңдиңт. 2 Кире овыльдэ қусям дэ'ннаириңбет, бу уонь, аська Сирия-ба'ңдиңт татыңқовильда буря и Квирий-қый қя ке'т. 3 Быльдэ оңонь дэ'ннаириңбетдиңа, касьна биньдада колет. 4 Ке'т буря и Иосиф, Галилей ба'ңдиңиль, Назарет колетдиңиль, Иудеядиңа, колетдиңа Давидда ди Вифлеем оонь, бу биньда дэ'ннаңаль Давидда овыдьдэ. 5 Бу оонь дэ'ннаириңбетдиңа биньда китай қимась ди Мариам, буря дыльась датольгэ. 6 Аська буң димисьн Вифлеемдиңа, будиңт дэимись сас берь дыль. 7 Буря

бильвет хы'п-қогда, больтағуқонь бу қаря есондақ қыяпдиңа,

буңнаңт се'й бэньсяң. 8 Бэньбиль Вифлеемдиңиль толанғут

сенькалябельсин, буң долин ульбаңдиңт хай тусяң сирукт калявельуольбетин ассень, буңна и овцаң. 9 Буңнаңт димись Есьда анэль. Есьда кэнам буң кэнейуллий. Буң қостит обыльдэ. 10 Есьда ке'т баря наңа: «Ат қоскаңет! Ат богбит экаңа қя қа' — қя дэгасиң дэ'ннаңа. 11 Еңқоң Давидда колетдиңт сибатоноқ эка Калябельсь — Есьда ке'т Мессия, Есь бу дэрақайдэ! 12 Кире экаңа тонь: экң куабэгин дыль, туре дутоқит больтақбоксяебет қыяпдиңт». 13 Эқпесь кисаң Есьда ке'т илька тося долин былъдэ Есьда кальдэ'ң, Есьда кетбереңогаветин: 14 «Ақтам Есьдаңт, туре дэ ң былъде ба'ңдиңт лювероңавет!» 15 Аська анеляң димисин есьда,

сенькалябельсин маньмаң: «Дэнонь Вифлеемдиңа, дэңсоғин, акусь

тусяң си ақ, акусь баря этаңа Есь!» 16 Буң ыле оңонь қаңиңа хай
доңонбэгин Мариам Иосифась хай дылясь, қыяпдиңт. 17

Датолуңин дыль, буң маньмаң туре, акусь баря даңа анель. 18

Быльдэ, аня аңабильдэ туря, қостит асанэй сенькалябельсьнаңаль.

19 Мариам быльдэ дэнято хай анеңилбет. 20 Сенькалеббельсин

димисин уська, кетберең Есь быльдадиңт, акусь буң толуңин хай
дэқ агин быльдэ овывльдэ тонь, биля баря наңа анель.